

彊

識

畧

刻國賢吳先生彊識畧序

汝南陳元勛甫洪烈

蓋余自佷山移令下雋而識鄉大
夫吳公云公行誼甚高考友出於
天性雅擅博洽直臨作者之途嘗
與二三同志慨然謂古今載籍或
約而未備抑浩瀚而難竟也已迺
兼綜群書采其裨於聞見者命諸

子錄而識之久而成編名曰彊識
畧焉公生而穎異長負名世才萃
美兼長著述豈不大備而云彊云
畧其自名則然也余黠闇亡識間
醕簿書就公問學公因出此編示
余余竊受而讀之其目自天文歲
序而下析為四十蒐襲往牒叅以
已見稽物理則精攷覈譚世務則

悉機宜計前後僅四十卷即讀之
不浹旬而大義可概睹焉余喜謂
公曰是固執圃之玄珠詞壇之捷
徑也公豈無垂世之思邪則請付
剞劂氏公歛然避席曰予不敏姑
自彊識以備遺忘鄉固秘之篋笥
今意吾子以覆瓿已爾安可令北
海若見也予又曰今之稽古者汗

牛充棟苦於繁挂一漏萬苦於簡
是集也括數百種書成一家言約
而該贍而不為汗漫一開卷而聞
見盡是矣顧安可秘不傳也於是
始梓而行之昔萬曆己丑冬十月
也

敘述

彊識畧者何士有博聞彊識而喻之於道匪以謏聞洽物也夫考古可以驗今騭人可以鏡已士即不能爲通儒柰何甘自陋棄而空守夫耳觀者之蘧廬也殆不然矣孔子不云乎多見而識之知之次也彊識固所不廢也有詰者曰古今邈矣子安能譚聚一堂載籍博矣子安得寶藏一室夫夫也一窶人子爾旦而登之武庫將璆璵不能名數乃欲攘臂以自矜所長今天下豈少作者與奚取茲齟齬簡之爲蒐也如以多見爲解則默識且孔子不

居矧躬行不逮侈言何益彊而識之悖所識而棄之與其詳不如畧也毋令舉一廢百又安得數之至於九而人將測吾之不知其一也楚委之先固有讀三墳五典八索九丘而不對祈招之問者則彊識於是焉窮矣不佞嗒無以應業已脫草姑識其繇而藏之笥中萬曆己丑上巳陽春園主人吳楚材國賢志

目錄

天文卷第一 歲序卷第二 地理卷第三

郡國卷第四 帝王卷第五 帝屬卷第六

職官上第七 職官下第八 禮儀上第九

禮儀下第十 音樂第十一 刑政第十二

制度第十三 仕進第十四 文事第十五

武備第十六 經史第十七 子集第十八

文章第十九 訓詁第二十 人倫二十一

人事二十二 人物上廿三 人物下廿四

居處二十五 飲食二十六 服飾上廿七

服飾下卅八 寶珍二十九 花木第三十
鳥獸三十一 鱗介三十二 姓系上卅三
姓系下卅四 器用三十五 邊夷三十六
釋道三十七 神僊三十八 雜誌上卅九
雜誌下四十

凡例

一四大類書元龜獨紀君臣廣記尤多怪誕合
璧泛收詞賦御覽稍挈裘領而浩繁難究又如
初學記白孔六帖藝文事文類聚玉海通考通
典文選廣文選英華古文苑萬花谷古今言左
編諸帙叢薈錯出而時代不同難免挂漏始與
湘湄沈子登約槩萃一編遂錄

大明一統志會典吾學憲章紀畧彙言等使爲完
書今茲未能姑剝拾其大者俾可概見云
一採據諸書自六經而下上沿

本朝

帝製王猷以及稗官野史各名家文集簡札可類
收者悉劉不遺不列篇名從簡也其間刊正譌
訛辨質是非亦據所見聞不苟同亦不互異
一規式倣事物紀原而事始續事始繁露演繁
露並臚列焉古今事物考小變其名劉應占讀
之以爲亡當也因屬不佞悉增損而脩潤之往
復叅駁的可考見非敢膽勇聊代奚囊其有收
之而不能盡收與人所習見旣聞者似可畧焉
即吾自名亦曰此其大畧也博雅君子未必遂

病其斑窺而蠹測云若夫滄溟奔州甌甌則私
泚已久竊屨何嫌是用著之簡首

一序列雖從舊次而稍可概舉者即以類附第
求徑約以便簡牘不嫌經史薈雜雅俗並陳若
夫世次先後文辭褒正俱未暇計其間彼此可
以互見者不復重出觸類旁通參考並蓄此格
致之歸趣也

一各書具載職官沿革最悉以其遞廢遞興紀
名考實更僕爲難故一以

今制爲綱稍求建置顛末而附錄各屬於其下義

取算時也又如醫藥自有方書且鳥獸草木亦
已過半星卜堪輿諸伎術姑列其凡可矣

評閱

王司寇弇州先生 世貞

彊識畧奇書也梓之必傳第入梓時不可不更加詳慎

又與劉應占書 覽吳國賢彊識畧當弔一嚮可以知味兄能梓而傳之當令洛陽紙貴也

胡方伯二溪先生 定

彊識畧畧而詳楚有左史吳公其三之耶當亟刻與衆共寶之

張奉常傳野先生 汝麒

連日披讀不能釋手宏博精雅遂爲古今類書之冠

民部張錦亭先生 問仁

大業日新近日苦次讀禮之暇復有此奇書遂令合璧玉海諸編坐廢刻成幸先寄我一帙偉裁精思具眼方知苦心

校訂姓氏

劉日孚 應占

胡宗會仲

陳鑒 新之

蒙昂象卿

丁應泰 元父

饒俱仲升

沈榜 子登

蒙鵬和卿

吳時泰 文亨

奎甌國鎮

馬之貌 威如

王仰不愧

任文定 兆麇

陳忠愛維仁

王作紀 道陳

詹耿光宗畧

謝所教 受仲

陳 博 文徵

壻蒙應光

曰奎

龔 衍材 國銓

程通衢

達道

弟楚宮 國定

饒安邦

君定

楚璞 國寶

楚易 國元

楚詩 國平

男徵 徽 徹 倣 倣 騰校

東粵重刻

校訂

晉江林繼喬

南海李暹

鄭立方

新寧葉彭熙

電白江山

校刻

饒平余肯堂

余紹堂

門生余如錚

彊識畧一卷

崇陽吳楚材國賢編

劉日孚應占校

天文部

天 釋名云顯也在上高顯也又坦也坦然高遠也
括地象云易有太盍是生兩儀兩儀未分其氣混
沌清濁既分伏者爲天偃者爲地廣雅云天去地
二億一萬六千七百八十一里半度地之厚與天
高等南北相去二億三萬三千五十七里二十五
步東西短減四步又天者群物之祖群陽之精故
繫四象覆萬物春醺說題云鎮也居高理下爲人

鎮也白虎通合爲太一分爲殊名故立字一大爲
天爾雅以春夏秋冬爲四天廣雅以四方四隅中
央爲九天九天之際曰九垓九天之外次曰九陔
九天亦名九野各有名稱而道藏經遂以大黃皇
曾天至七耀摩夷天爲六天欲界虛無越衡天至
太安皇崖天爲十二天色界合之至無極曇誓天
爲十八天色界顯定極風天至秀樂禁上天爲十
四天界又四天無色界至四梵天合之爲三十二
天合清微禹餘大赤大羅爲三十六天見靈寶本
元經與琅函經所載又各不同見卮又曆樞云其

為天口西北為天門又通義云天神之大者曰昊

天上帝

即耀龜寶亦曰天皇亦曰太一

其佐曰五帝

青帝靈威仰赤帝赤熛怒

黃帝含樞紐白帝白招拒黑帝汁光紀

纂要云東西南北曰四方

鏡

經燧人氏觀斗樞定方名

四方之隅曰四維天地四方曰六合

天地曰二儀以人參之曰三才四方上下謂之宇

往古來今謂之宙或謂天地為宇宙凡天地元氣

之所生天謂之乾地謂之坤天圓而色玄地方而

色黃日月謂之兩曜合五星謂之七曜五星謂之

五緯

歲惑太白辰鎮

日月星謂之三光又日月斗亦曰

三辰

一曰三光晉書天文志曰

日去地常八萬里又曰地上去天八萬一千三

百餘里又地理志地東西南北相去二億三萬餘里自地至天半八壺之數酉陽雜俎云自地至天十一萬餘里按周禮以天圭之法南戴日下萬五千里地與星辰四遊升降於三萬里之中是以半之得地之中也潁川陽城為然此乃古之聖人推測天地高深之法是則地至天萬五千里爾出學林而張衡靈憲又云一億一萬六千二百五十里

日 說文云日者實也太陽之精字從〇一象形也

又君象也山海經有山名曰孽搖顙羝有谷曰溫

源谷湯上有扶木扶柱高三百里一日方至一日

方出交會皆載於鳥中有三足淮南子云日出於

暘谷浴於咸池拂於扶桑是謂晨明登於扶桑之

上爰始將行是謂朏斐明至于曲阿是謂朝明臨

於曾泉是謂早食次于桑野是謂晏食臻于衡陽
是謂禹中對于昆吾是謂正中靡于烏次是謂小
遷至于悲谷是謂晡時廻于女紀是謂大遷經于
泉隅是謂高春頓于連爛石是謂下春爰止羲和
爰息六螭是謂懸車日乘車駕以六龍羲和薄於御之至虞泉而廻也
虞泉是謂黃昏渝于蒙谷是謂定昏日入崦嵫茲
經細柳入虞泉之池曙於蒙谷之浦自賜谷至虞淵凡十
六所爲九州七舍有五億萬七千三百九里日西垂景在樹端謂之桑
榆

扶桑 扶桑在碧海中樹長數千丈一千餘圍兩榦

同根更相依倚是名扶桑見十洲記湯谷上有扶
桑十日所浴在黑齒北居水中有大木九日居下
枝一日居上枝兩師妾翫在其北兩手各操一蛇
見山海經

崦嵫 日沒所入山也其上多丹木食之可以禦火

其陽多龜其陰多玉又常陽之山日月所入又若

木日所入並見山海經又注云若木生崦嵫西附
西盡其華光赤下照地

羲和 山海經云東南海之外羲和之國有女子名

曰羲和方浴日於甘淵郭璞云羲和蓋天地始生
主日月職出入以爲晦明

堯因生官以主四時一云東方國名日所由過也
每日出三國人爲御推而升天唐堯取以名官介

命羲仲宅嵎夷曰暘谷寅賓出日分命和仲宅西
曰昧谷寅餞納日見堯典堯時十日並出羿射其
九鳥盡死離騷所謂日鳥落羽竹書云日之數十
天自使之次第迭出運照而今俱見為天下妖災
故羿稟堯之命洞其靈誠仰天控弦而九
日潛退也又貞觀初突厥五日並照

倒景

日去地四千里其景倒在下也日光曰景

星月

光亦云

日影曰晷出氣曰暝日落光返照於東曰反

景又日徑千里下於天七千里見事類賦注齊州
以南戴日為丹穴東至日所出為泰平西至日所
入為泰蒙見爾雅秦始皇作石橋欲過海觀日所
出見三齊畧周穆王駕八駿欲觀日所入見列子
日照四十五萬里見玉海日光外照徑八十一萬

里見周髀日行處謂之黃道日月之會謂之辰見左傳龍尾伏辰又日火精見范子

燭龍 山海經西北海外有章尾山有神人面蛇身

而赤直目正乘其暝乃晦其視乃明不食不寢不

息風雨是謁請

是燭九陰是謂燭龍

離騷曰日安不到燭龍何

懼詩含神霧曰天不足西北無有陰陽消息故有龍御火精往照天門中云

月 說卦曰坎爲水爲月月水之精也釋名云月闕

也言滿則復闕也朏月未成明也魄月始生魄

然也朔蘇也月死復蘇生也晦灰也火死爲灰似

月光盡也弦月半若張弓弦也望月滿日月遥相

望也見初學記又月朔見東方曰朏晦見西方曰
魄見謝莊賦又周髀云月光生於日所照處生於
日所蔽京房云月似彈圓日照處則明不照處則
闇又日隨天而轉月隨日而行俱見玉海

夜光 月一名夜光月御曰望舒見淮南子大荒之

中有日月山天樞也有女子方浴月帝俊妻常羲

生月十有二此始浴之見山海經

經云羲和帝俊之妻生十日注

云生十子以日名與此義同

又楚辭云夜光何德死而又育厥

利維何而顧兔在腹

姮娥

靈憲論羿請不死之藥於西王母其妻姮娥

竊以奔月是爲蟾蜍又唐明皇遊廣寒清虛之府見龍城集月中有物婆娑者乃山河影也其空處海水影見淮南子吳剛斫桂樹高五百丈見酉陽

雜俎

結鄰奔月之仙見七聖記

蟾兔

月陰也蟾蜍陽也而與兔並明陰係陽也見

五經通義又張衡云陽精之宗積而成鳥象鳥三趾其數奇陰精之宗積而成獸象兔其數偶見後漢天文志

星

釋名星散也列位布散也宿宿也星各止宿其所也漢書萬物之精上爲列星故張衡云體生於

地精浮於天衆星被耀因水轉光當日之衝光常
不合春秋說題陽爲日日分爲星故其字日生爲
星又黃帝分星次衆星列布神著五列是爲三十
五名一居中央謂之北斗動變挺占寔司王命四
布於方爲二十八宿凡中外官常明者百二十四
可名者三百二十微星萬一千五百二十見後漢
志補註星次即今爾雅所記十二次折木云與二十
八舍之度

北斗 運斗樞云第一星曰天樞

即少微一星名處士星

二曰璇

三曰璣四曰權五曰玉衡六曰開陽七曰搖光一

至四爲魁五至七爲杓合爲斗居陰布陽在紫微
南太微北故稱北斗又爲帝車合誠圖云斗有七
星天子有七政

按成祖征沙漠
望北斗在南

衆星 列星曰恒星亦曰經星又心火星天王也其
前星太子後星庶子也箕爲天口尾爲逃臣玉衡
北兩星爲玉繩玉之爲言溝刻也宋均注曰繩能
直物故名玉繩溝謂作器又尾九星箕四星爲後
宮之場列爲南宮其庭太微太微者天闔也南端
門間十星分爲左右掖太微之宮天子之庭也又
謂之明堂北辰一名天關一名北極極者紫宮太

乙坐也第一星爲太子第二星最明者爲帝第三

星爲庶子餘二後宮屬也並在紫微宮中央故謂

中極魁下六星兩兩相比者曰三能音色齊則君

臣和西方之宿曰昴別名旄頭太白謂之長庚或

謂太囂

白帝之子天將之象出東北爲觀星出東南爲明星出西方爲太白

熒惑謂

之罰星或謂執法

御史之象

天宮謂之紫宮參伐謂之

大辰漢中四星曰天駟旁一星曰王良畢爲罕車

爲邊兵主弋獵旁小星爲附耳動則讒臣在側咸

池曰天潢營室爲清廟亦曰離宮危東六星兩兩

而比曰司寇又平星主法廷魚星主理陰陽即位

曰表即烏府也四輔四星

臣輔

鈞陳六星

將軍

華蓋七

星女史一星柱下史一星尚書五星俱在紫微宮

中宦者四星次帝座西南勢四星在太陽西北主

刑餘用事者又輔一星附北斗杓臣大八穀八星在

紫微外傳說一星在尾後河中

後宮祝祠胤子

杵三星在

箕南農丈人一星在南斗南南斗六星爲天廟其

南二星爲天梁中央二星爲天相北二星杓曰天

廚河鼓三星在牽牛北主軍鼓中央大將南北二

星左右將軍也漸臺四星屬織女左足主畧刻律

呂孤九星在狼東南謂天方也主備盜賊東壁二

星去宮室十六度天子圖書之秘府也羽林四十
五星在疊壁南進賢一星在太微宮東華門軒轅
十七星在七星北主雷雨之神天街二星在畢昴
間街南爲華夏之國街北爲戎夷之國玉井四星
在參西主水泉卷舌六星在昴北主讒佞又天讒
星在卷舌中天廩六星在昴南主積聚天苑十六
星在昴畢如環狀主苑囿叅謀九星在參畢間一
曰天子闕丘二星在南河上主天子闕諸侯兩觀
大理四星在斗中庫樓十五星在左角南招搖一
星在梗河北貫索九星在七公前爲賤人牢口一

星爲門又市天子旗幟也

瑞星

爾雅云壽星角亢也注云數起於角亢列宿

之長故云壽星一名南極老人星秋分日見于丙
春分之夕沒于丁王者承天則老人星臨其國月
令秋分日饗壽星于南郊唐開元置壇祭以千秋
節又景星亦曰德星狀如半月生於晦朔助月爲
明王者不私入則見黃帝時見半月堯時出翼又
至德之萌五星若貫珠又使星入蜀見李邵傳又
歲星木精東方朔楚人後賣藥五湖知其歲星見
列僊傳文昌宮六星在北斗魁南如筐形

上將次
將貴相

司命司祿司史

黃石鎮星之精也黃者鎮星色石者星質

也見黃石公記祭星曰布見六帖

祆星 妖星曰孛星孛亦彗屬也偏指曰彗芒氣四

出曰孛謂孛孛然也彗星長亦曰攬搶絕跡而去

曰飛星光跡相連曰流星亦曰奔星

星光曰芒

爾雅云

形如掃帚鄭玄曰主掃除剗向曰去穢布新者也
史記曰蚩尤旗類彗而後曲象旗見則征伐四方
天狗狀如奔星有聲下地如雷望之如火辰爲枉
矢類大流星蛇行蒼黑望如有毛

分野 周官天星皆有州國分野角亢氐克州房心

豫州尾箕幽州斗牽牛婺女揚州虛危青州營室
東壁并州奎婁胃徐州昂畢箕州觜參益州井鬼
雍州柳七星張三河翼軫荊州玄枵爲齊之分星
紀吳越之分析木之津燕之分大火宋之分壽星
鄭之分鶉尾楚之分鶉火周之分鶉首秦之分實
沉魏之分火梁趙之分降婁魯之分訾姬衛之分
太史掌之以觀妖祥

九道 謂黃道一青赤白黑各二也又三台謂之秦
階兩兩成體三台故六觀色以知吉凶又九宮太
乙攝提軒轅招搖天符青龍咸池太陰天乙也七

襄經星一晝一夜左旋一周而有餘終日之間自
卯至酉當更七次故詩云跂彼織女終日七襄襄
駕也見小學紺珠

星辰 地皇氏所定黃帝名之帝嚳序之見通曆禮
記

雲 元命苞曰陰陽聚爲雲說文曰山川氣也從雨
云象回轉形也露雲覆日也保章辯吉凶見周禮
注二至二分觀五雲色青虫白喪赤兵白水黃豐觸石膚寸見
公羊傳慶雲商雲也五色爲慶非煙非霧其狀內
赤外黃一曰景雲一曰卿雲聲之轉也立春日北

望有紫綠白雲爲三素雲見廣記雨雲曰油雲雪雲曰同雲見西京雜記又霄青天也無雲氣而青碧也見釋名又抱朴子凌厲九霄又天河詳見七夕

占雲 冬至初陽雲出箕如樹立春少陽雲出房如積水春分正陽雲出軫如白鵠穀雨太陽雲出張如車蓋立夏初陰雲出觜如赤珠夏至少陰雲出參如水波寒露正陰雲出井如冠纓霜降太陰雲出鬼上如羊下如蟠石

見易通卦驗

霞 釋名云白雲映日光而成赤色假日之赤光而

成也故從字段遐聲流五色見內傳朱霞九光見
十洲記崑崙山有五色水赤水之氣上蒸爲霞見
河圖

風 天地之氣噓而成雲噫而成風見埤雅大塊噫
氣萬竅怒號見莊子又考異云風之言萌也立字
虫動于中爲風言陽氣無不周昆虫得陽乃生也
八節之風謂之八風立春條風春分明庶風夏至
景風立醵涼風秋分閭闔風立冬不周風冬至廣
莫風立夏清明風見易緯四時和謂之景風初春
至夏五日曰花信風梅花風先棟花風後凡二十

四番見歲時記六月黃雀風見風土記九月鯉魚
風見提要錄三月鳥信風五月麥信風見國史補
又有雄雌風見宋玉賦離合風見陸機要覽上行
風曰扶搖風曲上風曰羊角風見莊子梅雨後涼
風一月曰舶棹風海大風曰颶母風初發時先緩
後急曰鍊風見嶺南錄言爾雅云東風曰谷風南
風曰凱風西風曰泰風北風曰涼風暴風從上下
曰飈從下上曰飈迴風曰飄日出而風曰暴陰而
風曰曠風而雨土曰霾月令云疾風曰育風俗通
云猛風曰飈涼風曰瀏微風曰飈小風曰颶小風

從孔來曰飈祭風曰磔磔狗止風見爾雅春晴日出曰

光風龜冬餘曰緒風見楚辭注風吹萬物有聲曰

籟出莊子注

雷 穀梁傳云陰陽相薄感而爲雷激而爲霆公羊

云雷疾甚者爲震爾雅云疾雷謂之霆說文雷餘

聲鈴鈴所以挺出萬物通義云震霆皆霹靂也郎

顓云雷於天地爲長子以其首長萬物與其出入

也論衡云雷二月出地百八十三日雷出則萬物

出八月入地百八十三日雷入則萬物入入能除

害出則興利人君之象也又天鼓見抱朴子雷神

雷火雷斧雷車雷鼓雷形阿香謝僊俱見事文類聚又論衡極辯雷公雷椎之妄並見御覽

電 釋名殄也乍見則滅也說文陰陽激耀也從雨中聲又雷光出五經通義陽氣失節出公羊傳電名列缺出藝文類聚又山海經鳧名橐蜚服之不畏電草名加榮服之不畏霆

雨 釋名云雨水從雲下也兩者輔也言輔時生養元命苞云陰陽和爲雨爾雅云小雨曰霖霖三日已上曰霖久雨爲霖暴雨曰凍時雨曰澍雨與雪雜下曰霰纂要云疾雨曰驟雨徐雨曰零雨久曰

苦雨亦曰愁霖雨晴曰霽雨晝晴曰啟雨水曰潦
雲曰渰亦曰油雲梅熟而雨曰梅雨卮言云清明
杏花雨見提要錄又桃花雨河朔謂之潑火雨三
月榆莢雨見汜勝之書三月三日留客雨見陸機
要覽五月分龍雨見續博物志七日灑淚雨七月
六日洗車雨見歲時雜記九月黃雀雨見提要錄
易侯云太平之時十日一雨凡歲三十六雨又六
月濯枝雨濯梅雨見御覽八月豆花雨見歲時記
夏至前黃梅雨三月迎梅五月送梅見風土記

同州

謂沾足爲霪雨靖虜謂變
雨爲白雨暴風雨爲黑雨

神名

日姓張名表字長史月姓文名申字子光歲

星姓碧空名澄瀾熒惑姓渙空名維淳太白姓察

靈名振尋辰星姓肇咍名精源鎮星姓藏睦名耽

延雷公江赫冲電母秀文英風伯方道彰雨師陳

華夫俱見道經

詭

日名耀靈月名金精見初學記

豐隆雲師見離騷或曰雷師雲師曰屏翳風師曰

飛廉見呂氏春秋風伯曰飛廉風師曰箕星見風

俗通雨師亦曰屏翳見初學記赤松子神農時雨

師見列子傳玄冥雨師見風俗通柳毅見人牧羊

曰雨工見六帖雷神龍身人頭鼓腹在雷澤中見

山海經又南嶽有雲師如蚕雨虎如蛭見御覽注
又卮言云風神曰孟婆又風母如猿打殺遇風即
活雷公如猪冬月蟄地中掘得之二物皆可食按國史補秋日伏地中北斗七星神名執陰叶諧視金涖理防
作開寶招搖出段成式書

雪 雪綏也水下遇寒而凝綏綏然下也汜勝之書

云雪爲五穀之精又雪花曰霰雪雲曰同雲雪與

雨雜下曰霰玉母有絳雪甜雪

雪花六出故曰滕六又太平之

代雪不封條

霧 元命苞曰陰陽之氣亂而爲霧騰水上溢見莊

子地氣發天不應見爾雅霧冒也氣蒙冒覆地物也見釋名博物志王肅張衡馬均俱冒霧行飲酒者無恙飽食者病空腹者死五行志霧者百邪之氣陰冒陽也又羅晦也爾雅風而雨土暄天陰沉也爾雅陰而風爲暄

露 和氣津液凝爲露露從地出見通義又陽氣勝散爲雨露說文云露潤澤也從雨路聲瑞應圖云露色濃爲甘露一名天酒見神異經

霜 霜喪也其氣慘毒物皆喪也白虎通云露者霜之始寒則變爲霜霜神名青女見淮南子

電

說文云電雨水也從雨包聲六帖陰脅陽也

虹

運斗云樞星散爲虹霓一云鎮星釋名攻也純

陽攻陰氣也元命苞云陰陽之精凡雙出色鮮盛

者爲雄雄曰虹闇者爲雌雌曰蜺月令季春始見

孟冬不見章句云蟬竦也亦見詩註侯鯖錄云天

謂之帝弓

星官

後漢志曰軒轅始受河圖闢苞授規日月星

辰之象故星官之書自黃帝始至高陽氏乃使南

正重司天

測候

大司徒以土圭之法測土深正日景以求地

中見周禮梁天監中祖暅造八尺銅表揆測日晷

求其盈縮

長日至之景尺有五寸以夏至之日立八尺之表

其景與土圭等謂之地中今陽城地也日景於地千里而差一寸當去地八萬里日邪射陽城則天

徑之半也

望氣 保章氏眡侵掌十輝之法以觀妖祥一侵陰

陽氣相侵

二象

象如赤鳥

三鐫

鐫日旁氣

四監

臨日

五闇

日月食

六瞽

日月瞽瞽無光

七彌

彌白虹天

八叙

雲有次叙如山川在日一

九隤

隤升氣紅也

十想

輝光

勾股 旁萬五千里勾也立八極萬里股也從日邪

射陽城以勾股法得八萬一千三百九十四里有

奇蓋天頂至地之數倍之得十六萬二千七百八十八里有奇即天徑之數也以周徑之法乘得五十一萬三千六百八十七里有奇即周天之數也唐荆川太史勾股測望論云勾股所謂矩也其法橫爲勾縱爲股斜爲絃數非兩不行因勾股而得弦因股弦而得勾因勾弦而得股用勾股之術以求天之星數故立表勾股無二法也

玉律 候氣之法爲室三重戶閉塗墁周密布緹縵室中以木爲案每律各如之內卑外高從其方位加律其上以葭管灰實其端案歷而候之氣至者

灰去其爲氣所動者其灰散其爲物所動者其灰聚殿中候用玉律十二靈臺用竹律

渾儀 古言天體者三家一蓋天二宣夜三渾天宣

夜無傳周髀即蓋天本庖羲氏周公受之故曰周髀髀股也股表也驗天多違失惟渾天近得之今史官候臺所用銅儀立八尺圓體具天地之形以正黃道察發歛行日月步五緯蓋天包地外周旋無端其形渾渾故曰渾天也古今制儀或以銅或以鐵或以木或云始自顓帝或云堯命羲和至舜在璇璣玉衡以齊七政鄭玄云運轉者爲璣持平

者為衡皆玉為之朱熹云即今渾天儀

刻漏 黃帝創制周禮挈壺氏以百刻分晝夜王氏

云日月行有冬夏晝夜畧有短長先王分十二時

於一晝一夜之間以漏箭準十二時為百刻寅申

巳亥子午卯酉每時各八刻合為六十四刻辰戌

丑未每時九刻合為三十六刻以百刻定長短而

晝夜分為日永夏則晝漏六十刻夜漏四十日短

至則晝漏四十刻夜漏六十日中宵中春秋晝夜

各五十按此說出馬融王肅尚書注以今制大

九刻冬至晝四十九刻夜五十一刻春秋分前三日

秋分後三日晝夜各五十刻又與玉海所載乾象

諸曆冬至晝四十五夜五十五夏至晝六十五夜
三十五春秋分晝五十五夜四十五
從春分至夏至晝漸長增九刻半夏至秋分減亦如之
從秋分至冬至晝漸短減十刻半冬至至春分加
亦如之其說稍異事在曆纂
多少當以大統曆為正

定作四十八箭以一年有二十四氣每一氣之間又分為二通率七日

強半而易一箭故周年而用箭四十八也於是立

挈壺之職孔壺為漏浮箭為刻以水守壺注漏也

以火守壺夜視刻數也冬水凍以火沃之謂沃漏也

水海浮箭四匱注水始自夜天池以入于日天池自日天池以入于平壺以次相注入于水海浮箭而上以浮箭為刻分晝夜計十二時每時八刻

二十分每刻六十分箭四十八二箭當一氣歲統
二百一十九萬一千五百分悉刻於箭上銅鳥引
水而下注浮箭而上登至於晝夜之別分至之候
冬夏短長昏曉隱見與周官晷影無差

曆 漢書伏羲畫八卦由數起至黃帝堯舜而大備

本起於黃鐘之數始於一而三之三三積之歷十
二辰之數而五數備矣推歷生律制器規圜矩方
權重衡平準繩嘉量黃帝臣容成造曆元年辛巳
見玉海史記云萬事根本職在太史羲和掌之又
曆原名握先

猶言紀曰甲子七十六歲爲一紀漢
無前

有太初唐有麟德其後乾象黃初等曆改作不一國朝名大統曆欽天監奏頒禁民偽造

律呂 律法也陽爲陰法也呂助也助陽以宣氣也黃鐘初九律之首林鐘初六呂之首上生六而倍之下生六而損之皆以九爲法參天兩地之法也九六陰陽夫婦子母之道也律娶妻而呂生子天地之情也注云異類爲子母謂黃鐘生林鐘也同類爲夫婦謂黃鐘以大呂爲妻也娶妻謂黃鐘生林鐘也生子謂林鐘生太簇也

律曆 史記云天所以通五行八政節之氣成熟萬

物十月律中應鐘陽氣應不用事亥該也陽氣藏於下故

該也十一月律中黃鐘陽氣鍾而出黃子滋也萬物滋

於下也壬任也陽氣任養萬物於下也癸揆也萬

物可揆度也十二月律中大呂丑紐也陽氣未降

萬物厄紐未敢出也正月律中泰簇萬物簇生寅萬物

始生蟄然也二月律中夾鐘陰陽夾卯茂也萬物茂

也甲萬物剖符甲出也乙萬物生軋軋也三月律

中姑洗萬物洗生辰萬物之娠也四月律中仲呂萬物旅而

行西已陽氣已盡也五月律中蕤賓陰氣幼少曰蕤

賓午陰陽交也陽道著明曰丙萬物丁壯曰丁六

月律中林鐘萬物就苑未萬物皆成有滋味也七

月律中夷則夷傷則法萬物申陰用事申賊萬物

也八月律中南呂陽氣旅藏酉萬物之老也庚陰氣庚

萬物也萬物辛生故曰辛九月律中無射陰氣用

餘戌萬物盡滅也按此與漢書白虎通不同如漢

於黃泉孽萌萬物為六氣元也大太也簇奏也萬

物隨陽氣太奏而生也姑故亦始也洗鮮也萬物

去故而始就新莫不鮮明也無射射終也言萬物

隨陽而終當復無有止息也大呂助也言陽氣

方生陰助陽以宣其氣也夾鐘夾甲也言萬物甲

拆種類分出也林鍾林茂也盛也言萬物茂盛積

於林野也南呂南任也謂時物皆秀有懷任之象

陰任陽功助陽成功也應鐘應和也謂歲功皆應

和陽功收而聚之也亦可並觀

元會運世

按邵子經世書一元統十二會三百六

十運四千三百二十世前六會爲息鼓出自子至
巳也後六會爲消鼓入自午至亥也開物於月之
寅閉物於月之戌朱子曰陽始於子而終於巳陰
始於午而終於亥臨川吳氏曰一元凡十二萬九
千六百歲分爲十二會一會計一萬八百歲天地
之運至戌會之中爲開物兩間人物俱無矣如是
又五千四百年而戌會終自亥會始五千四百年
當亥會之中而地之重濁凝結者悉皆融化與輕
清之天混合爲一故曰渾沌清濁之混逐漸轉甚

又五千四百年而亥會終昏暗極矣是天地之一
終也貞下起元又肇太初爲子會之始仍尚混沌
是曰太始言乙元之始也是曰太乙言清濁之氣
混合爲一而未分也自此逐漸開明又五千四百
年當子會之中輕清之氣騰上有日有月有星有
辰四者成象而麗乎天又五千四百年當子會之
終故曰天開於子濁氣雖包在中間然未凝結堅
實故未有地又五千四百年當丑會之中重濁之
氣凝結者始堅實而成土石濕潤之氣爲水流而
不凝燥烈之氣爲火顯而不隱水火土石四者成

質而共爲地故曰地闢於丑又五千四百年而丑會又自寅會之始五千四百年當寅會之中兩間人物始生故曰人生於寅也 按堯當巳會之中今相去三千五百餘年已將往而午將來之候也統一元觀之皆得天地之中數

甲子 月令章句曰天皇始制干支之名以定歲之所在又云黃帝命大撓探五行之情占斗罡所建作甲乙以名曰謂之干干幹也亦曰十母作子丑以名月謂之支支枝也亦曰十二子支幹相配以

成六旬

十母十二子
見史記律書

納音 鬼谷子作納音其法以干支行數合之以五
數除之零數爲納音火一土二水五互用木三金
四不移蓋言納者受也音者感物助聲也五行中
火本無聲借水擊則火沸金本無聲借火煉則剛
水本無聲借土則壅皆發聲也惟金木有自然之
聲不擊而響故曰納音筆談云六十律旋相爲宮
也一律合五音十二律納
六十音也凡氣始于東方而右行音起于西方而
左行陰陽相錯而生變化又生者左旋剋者右轉
此圖書生剋自然之
數也詳見輟耕錄

彙識畧乙卷終

彊識畧二卷

崇陽吳楚材國賢編

劉日孚應占校

歲序部

歲 堯咨羲和朞三百六旬有九日以閏月定四時
成歲又世本云后益作占歲說文木星也從步從
戌越歷二十八宿宣徧陰陽十二月一次釋名越
也越故限也商曰祀取四時一終也又巳也新氣
生故氣巳也周曰年取禾一熟也又進也進而前
也唐虞曰載取物終更始也又載生也楚辭獻氣
發春獻進也爾雅夏曰歲郭璞注取歲星行一次

也木星謂之歲星與年謂之歲義實相因以其一年行一次十二次而周天故曰歲星此星行一次而四時之功畢故年謂之歲从步者躔度之行可推步也从戌者木星之精生於亥自亥而行至戌而周天成與歲亦諧聲又爾雅云歲在甲曰闕逢在乙曰旃蒙在丙曰柔兆在丁曰彊圉在戊曰著雍在己曰屠維在庚曰上章在辛曰重光在壬曰玄默在癸曰昭陽在寅曰攝提格在卯曰單闕在辰曰執除在巳曰大荒落在午曰敦牂在未曰協洽在申曰涒灘在酉曰作噩在戌曰閹茂在亥曰

大淵獻在子曰困敦在丑曰赤奮若

月三十斤成鈞一月之象見律曆志又正月爲閏
二月如三月竊四月余五月畢六月旦七月相八
月壯九月玄十月陽十一月辜十二月除六帖月
在甲曰畢在乙曰橘在丙曰脩在丁曰圉在戊曰
厲在己曰則在庚曰窶在辛曰塞在壬曰終在癸
曰極月有大小何天左旋日月右行日行遲月行
疾月及日爲一月至二十九日未及七度即須三
十日過七度十日不可分故下大下小明者有陰
陽也

日之數十甲至癸十日曰旬十二日曰浹十日亦曰浹日初出曰旭日旰曰晞日溫曰煦在午曰亭午在未曰昃日晚曰旰日將落曰薄暮冬曰愛日夏曰畏日見左傳

時一日一夜總十二時子半夜丑雞鳴寅平旦卯日出辰食時

巳禺中午日中未日昃申晡時酉日入戌黃昏亥人定

朔正謂年始朔謂月初故曰正朔朔蘇也說見前晦日曆志若合於子正則晦日之朝猶朔日之夕也是以月皆不見若合於午正則晦日之晨猶朔日之昏也是以月或皆見之又階箕彫月桂盡見

六帖帝王世紀云堯有草夾階而生每月朔生一
莢月半則生十五莢自十六日一莢落至月晦而
盡月小則餘一莢厭而不落又提月見公羊傳注
提月邊也

魯人語此
月之幾盡

弦望 續曆志云極建其中道營于外璇衡追日以
察歛光道生焉日有光道月有九行九行出入而
交生焉朔會望衡鄰於所交虧薄生焉月有晦朔
星有合見月有弦望星有留逆其歸一也步術生
焉玉海注月與日同度謂之朔邇一遐三謂之弦
衡分中天謂之望光盡體伏謂之晦又按 今大

統曆有盈虛望上弦下弦皆以月見云

餘 魏畧董遇好讀書常惜三餘冬歲之餘夜日之

餘陰雨時之餘

旬之外日爲速見演繁露

閏 史記云黃帝起消息正閏餘歲時記云周禮王

出屠寢門故爲閏字門中從王也左傳云月之餘

目積分而成於月者也周天三百六十五度四分

度之一十二月目不匝十二度故三年一閏五年

再閏陰不足陽有餘閏者陽之餘也見白虎通

交會 正義云日月行相逮及交而會聚謂朔日也

日食月掩之也日月之道互相出入或月在日表

從外入內或月在日裏從內出外道有交錯故曰
食朔則交會故食必在朔詳詩小雅註

陰陽 伏羲所定見春秋內事

晝夜 地皇氏所分見通曆出卯入酉生晝夜見渾
天賦卯戌昏旦見文粹晝夜刻見五代司天考俱
六帖

五行 黃帝建立五行起五部見史記曆書金木水
火土言行者猶言爲天行氣之義也水在北方陰
氣在黃泉任養萬物也未觸也陽氣觸動萬物始
生也火化也陽氣動躍萬物變化也金禁也陰始

起萬物禁止也土吐也中央土工主吐萬物也

謨

以五行相剋爲序洪範以生數爲序月令以相生爲序詳餘冬序錄

寒暑

五經通義云冬至陽動於下推陰而上之故

水寒於上夏至陰動於下推陽而上之故火熱於上易曰日月運行一寒一暑日在牽牛則寒在東井則暑牽牛水宿遠人故寒東井火宿近人故溫也說文溽濕暑也又袁紹每至夏大飲以避一時之暑跣河朔飲

時節

堯定四時炎帝分八節釋名云四時四方各

一時時期也不失期也

氣候 伏羲造八卦作三畫以象二十四氣月令注
曰周公作時訓定二十四氣分七十二候蓋一月
二氣六候如正月二氣立春雨水六候東風解凍
蟄虫云云餘倣此

迎氣 月令四時四立之日迎氣在四郊季夏迎土
氣是五迎氣見玉海

改元 黃帝坐扈閣鳳凰銜書得五始之文周文王
受命歲在戊午九月二十五日得甲子明年改元
魏應王漢文帝年號不一 國朝始一帝一改元
示一統也

紀年 春秋元命苞天地開闢至春秋魯哀公十四

年獲麟之歲凡二百二十六萬七千年又按三皇

五帝三十二君外夏禹至元順帝一十九朝除列

國僭閏共二百一十三帝堯甲辰至元順帝丁未

通計三千七百二四年

仙人張果生堯丙子歲俗傳果在世二萬七千年何

謬也

春 釋名蠢也萬物蠢然而生又出也萬物所出也

見大傳正月爲端月端首也一日爲元日又云上

日又云三朔三元歷代所尚之正不同舜黃帝高

陽炎帝皆以十一月少昊高辛女媧皆以十二月

帝出乎震正當從伏羲以建寅始也故孔子從夏時後避秦始皇諱政音從征至今云然三春九春正月孟春亦曰孟陽二月仲陽三月暮春晚春其帝太皞其佐勾芒春風曰瑞風一曰惠風二曰景風

夏 夏大也養萬物令長大也見三禮朱明長羸見爾雅火正曰祝融祝甚融明也南嶽謂之霍霍者護也陽氣用事護養萬物也

秋 秋愁也又爲白藏氣白而收藏萬物也見爾雅釋名緇也緇迫萬物使得時成也其帝少皞其神

蓐叔又五行曆云一時爲三月一月爲一秋三月爲三秋又一月爲三秋故三月有九秋之名也白帝素節商聲金風素秋霜辰杪秋見初學記合璧御覽

冬 冬終也萬物終成也見律歷志又四時盡也字從久從欠見說文又冬之爲言中也中者藏也見月令顓頊玄冥玄英玄冬見纂要十月謂之良月見左傳

立春 農祥晨正見國語天子親帥三公九卿諸侯大夫是日迎春東郊 今制府州縣正官先一日

迎春至日鞭春見儀註青幡竹管雲翹綵勝並見
事類

春牛

月令季冬之月出

作土牛

以送

畢

寒氣示農

耕之早晚注云前十二月建丑丑爲牛如立春在
十二月望則策牛人近前示農早也在月晦及正
月旦則居中示農平也近正月望則近後示農晚
也冬至後辰日歲德方取土桑柘木爲骨長八尺
按八節高四尺按四時尾一尺二寸按十二時踏
板用衙門陽年左扇陰年右扇牛色以立春日日
干爲頭角耳色支爲身色納音爲蹄尾肚色如甲

子日立春甲木青色子水黑色納音屬金用白色
陽年牛口開尾左繳陰年牛口合龍頭拘索有法
芒神 本勾芒氏之神今即策牛人以立春日支爲
服色如亥水日黃衣青繫腰餘倣此取支神受尅
也罨井鞋袴老少高低鞭結俱取立春年日時并
納音祭拜以牛頭向東

元旦 寶典云元者善之長又體元居正又始也首
也亦云上日亦云三元謂歲月日之元也亦云三
朔謂夏以平明爲朔殷以鷄鳴周以夜半也通典
云慶賀始於漢高祖 今制四方萬國朝覲

八斗御正殿受賀因考察庶官又仙木爆竹火城見
六帖辛盤椒頌屠蘇放鳩進壁見類聚

畫鷄 拾遺記堯時有祗支之國獻重明之鳥一石
重精狀如鷄鳴似鳳能搏逐猛虎國人望重精之
來或刻金寶爲此鳥之狀置戶牖間則魑魅鬼類
自然退伏今人每歲元日刻畫爲鷄于戶牖上者
蓋重精遺像也

獸樽 晉元會設白獸樽於殿上樽蓋上施白獸若
有能獻直言者則發此樽飲案禮曰白獸樽乃杜
舉之遺式也爲白獸豸監後代所爲示不忌憚也

見御覽

漢魏占候

正月旦決八風風從南來大旱西南小

旱西方有兵西北豆成北方中歲東北為上歲東方大水東南疾疫歲惡見漢天文志

人日

正月七日見歲時記

一日雞二日狗三日猪四日羊五日牛六日馬

七日

以七種菜為羹剪綵縷金為人晉人造華勝

相遺

像西王母

穀日

初八日東方朔占書晴為祥雨為殃

上元

正月十五日作膏粥祠門戶見寶典楊枝祭

門迎紫姑

本人家妾為大婦所妬見逐是日

夜

在曹夫已行小姑可出子
胥婿曹夫姑也見六帖

漢祀太乙以昏時

祠到明今夜游觀燈是其遺事貴戚有黃柑相遺
執金吾弛禁三日謂之放夜 今制亦然又火蛾
是開元遺事上元無雨多春旱見田家五行

天穿日 江東俗號正月二十日以前煎餅置屋上謂
之補天穿李白詩云一枚煎餅補天穿

晦酺 寶典云元日至月晦人並為酺食聚會每月
有晦朔時俗獨重為節士女湔裳斟酒水湄以為
度厄又歲時記貞元初勅以此日并上巳重九擇
勝地遊賞為樂

中和節 二月一日唐德宗貞元五年李泌請廢正月晦以二月朔為中和節詔著令與上巳重九為三令節中者揆三陽之中和者酌仁義之和上賜刀尺百官進農書今俗謂之花朝占書值驚蟄主蝗值春分主歉道書云天上節

社 社土地之主故封土以祭漢卜日丙午魏用丁未晉用孟月酉日月令擇元日迎春分前後戊日元吉也 今制春秋二仲戊日詳見禮儀

寒食 歲時記冬至後一百五日有疾風甚雨謂之寒食今按曆在清明前二日亦有去冬至百六日

者周制司烜禁火爲季春將出火也太原以介子
推焚死有龍忌之禁冷食一月并州刺史周舉革
去見鄴中記

鞦韆 北方山戎寒食爲鞦韆以習輕趨齊桓公伐
之始傳中國唐明皇爲樂宮中呼爲半仙之戲一
云正作千秋字爲秋千非也本出自漢宮祝壽詞
也後世語倒爲秋千耳

蹴毬市 蜀人以二月望日鬻蹴毬於市因作樂縱觀
二蘇各有詩

清明 唐宋是日賜新火見會要又新進士開宴集

曲江亭又有打毬會又夢華錄京師是日芳樹園
圍羅列杯盤今兩京猶然謂之踏青又占書喜晴

簷前挿柳以
青焦驗晴雨

上巳 三月初巳爲上巳魏以後但用初三日風俗
通云周禮女巫掌歲時以祓除疾病禊者潔也故
於水上巳者祉也疾去祈介祉也流杯曲水周公
卜洛因流水以泛酒故曰羽觴隨波王羲之蘭亭
脩禊俱見初學記聽蛙聲占水旱論晴雨卜醵桑
見農書

立夏 四月立夏爲節此時物以長大故以爲名小

滿也為中者物之生長小得竝滿故以小滿為名也天子迎夏南郊見月令五帝會諸仙人於紫微宮見四真人論求道之功罪見登真隱訣又是日服六壬六癸之符或玄水之丸或飛霜之散則暑不能侵見抱朴子

麥秋 禮記孟夏麥秋至月令章句曰百穀各以其所生為春熟為秋故麥以夏為秋又麥者穀之始也

黃姑浸種日 即三月十六日西南風主大旱見田家五行

天祺節

宋祥符元年四月一日天書再降詔建此

節

見會要

浴佛

四月八日佛生俗傳慶會各造於菟飯相遺

又占水旱宜密雲不雨

夏至

伯趙

伯勞氏

司至

夏至

陰始動三禮云五月芒

種為節者言時可以種有芒之穀故以芒種為名

夏至為中者至有三義一以明陰氣之至極二以

助陰氣之始至三以明日之兆故謂之至占候圖

云夏至朔日至六日五穀熟二十三二十四不熟

二十五三十日時價平和晦日五穀貴

筍厨

四月十五自堂厨至百司厨謂之櫻筍厨

端午

風土記五月陰陽交死生分端始也是日午

時爲天中節見提要錄又爲地臘五帝校人官爵
長生見道書屈原是日死汨羅楚人傷之拯以舟
楫至今遺俗競渡又取輕利謂之飛鳧又竹筒貯
米投祭漢人歐回見三閭大夫云苦蛟龍所竊宜
楝葉塞筒五綵絲縛之今謂之角黍俗名粽子樓
即粽菰葉裹粘米取陰陽尚色裹米之象也龜表
肉裏陽內陰外之形所以贊時也又由文崔信明
王鎮惡紀邁王鳳胡廣俱是日生俗以惡月忌舉

子見異苑雜記浴蘭湯見楚辭聞百草捕蟾蜍養

鸚鵡捕守宮

漢武取所賜飼以丹砂明年搗之塗宮人臂有所犯即消沒不爾則如赤

應故名

楊子江心鑄龍鏡蒲酒艾虎百索粽辟兵

守宮

符五絲長命縷孝女曹娥俱見合璧占書只喜薄陰又是月忌蓋屋及曝薦席見歲時記

分龍 小分龍四月二十日大分龍五月二十日占風雨又五月三卯種稻為上見曆法統宗

天貺節 宋祥符二年天書降泰山詔建節以六月六日又醫書云是日為諸神集會之辰

伏 曆忌釋云金氣伏藏日也四時代謝皆以相生

如立春木餘故此水惟立秋金代火金畏火故至庚日
必伏庚金也初伏夏至第三庚四庚爲中伏立秋
後初庚爲末伏周時無伏秦穆公二年初作伏祠
張良以伏臘祠黃石東方朔割肉見漢書

立秋 易坤西南也主立秋三禮義宗云七月立秋

秋之言秋

言湫聚也

縮之意陰意出地始殺萬物故以

秋爲節名是日五嶽諸真會仙官定天下神圖見
登真隱訣

七夕 織女天女孫也星微微在氏之下天河之東
河鼓謂之牽牛星煌煌與參俱出織女嫁牽牛起

於桂陽成武丁或見大漢中有奕赤白氣便拜乞
富乞壽乞子惟乞一不得兼求歲時記婦人結綵
縷穿七孔針陳瓜果乞巧有喜蛛網則爲得巧又
西王母青鳥蟠桃麻姑仙爾雅曰析木之津箕斗
之間津也抱朴子曰天河從西北極分爲兩頭至
于南極其一經南中過其一經東井中過河者天
之水也隨天而轉入地下過博物志云舊說天河
與海通有居海者年年八月見有浮槎來因賫寶
乘之至一處見織女牽牛還問嚴君平今世槩云
張騫泛槎誤也緱氏鶴俱見神仙傳

中元 七月十五太上老君同元始天尊會集福世
界又地官校籍之辰見道藏經目蓮供母有七葉
功德見孟蘭盆經農書謂之蕎杆生日雨謂之做
生主撩稻

洗鉢盂雨 七月十六日雨主荒謂十方寺觀每年
四月十五日結夏上堂七月十五日解夏散堂此
日即雨故名洗鉢盂下年荒必停堂也見田家五
行

中秋 歐陽詹云是夜翫月替之天道則寒暑均取
諸月數則蟾蜍圓周生梯雲取月枚乘廣陵觀濤

並見事類武夷山神號武夷君語村中人是日會
山頂空中樂響不見人形出萬花谷

重陽 九爲陽數日月竝應故曰重九魏文帝云俗
嘉其名以爲宜于長久故燕享高會漢武帝宮人
飲菊花酒益壽今人登山飲菊酒婦人帶茱萸囊
起於費長房教桓景避厄

立冬 三禮義宗云十月立冬爲節者冬終也立冬
之時萬物終成爲節名小雪爲中者氣叙轉寒雨
變成雪故以小雪爲中

十月爲良月謂
盈數也侯鯖錄

長至 曆義疏曰極也太陰之氣上干於陽下極

地寒氣已極故當易之亦以日之行天至於巽維
東南角極之於此又冬至後日漸長故曰長至宮
人刺繡日添一線寶典曰陰陽日月萬物之始故
有履長之賀曹植云冬至獻履所以迎福踐長又
日行遠道周四極命之曰玄明天見呂氏春秋律
歷志云不曰冬至而曰日南至極於牽牛之初日
中之時景最長以此知其南至也又至有三義一
者陰極之至二者陽氣始至三者日行南至
大雪 曆義疏曰大雪十一月節月之初氣也言太
陰之氣以大水凝爲雪故曰大雪又形於小雪爲

大雪時雪轉甚也

臘

夏曰嘉平殷曰清祀周曰大蜡漢改爲臘臘者

獵也獵取獸以祭先祖臘接也新故交接大祭以

報功也冬至後三戌爲臘王者其行之盛日爲祖

終日爲臘水始于申盛于子終於辰故水行之君

以子祖辰臘火始于寅盛于午終于戌故火行之

君以午祖戌臘木始于亥盛於卯終於未故木行

之君以卯祖未臘金始于巳盛于酉終於丑故金

行之君以酉祖丑臘土始于未盛于戌終于辰故

土行之君以戌祖辰臘臘祭先祖蜡報百神同日

祭也。錯索也。歲十二月合聚萬物而索饗之始。

于周之蜡云。

按漢臘以戌，魏以辰，晉以丑，今用漢臘云。

臘

說文：臘，初十二月祭飲食也。一曰嘗新聲食前。

曰：軀，臘。漢武太初二年，令天下酺五日。臘五日祠。

門戶北臘。又漢書：軀牲之禮，名曰軀。又風俗通云：

山居谷汲者，臘臘寡水。楚俗常以十二月祭飲也。

小除夕

世傳二十四日謂之小年夜。竈君朝天白。

一歲事故夜祀之。宋人醉司命，帖竈馬於竈上，以

酒糟塗竈門。夜於竈裏點燈，謂之照虛耗。見夢華

錄

歲除

呂氏春秋注前歲一日擊鼓驅疫癘之鬼謂

之逐除亦曰儺秦中記儺皆作鬼神狀二老人爲

儺翁儺母又儺逐鬼疫也爲陰陽之氣不節癘鬼

爲禍故天子使方相氏黃金四目熊皮爲帽口作

儺儺之聲以逐鬼疫一年三度月令季冬大儺是

也又歲終一日爲除夕夜爲除夕荆楚記歲暮家

家具肴軟爲宿歲之儲宋士庶之家圍爐團坐達

旦不寢謂之守歲夜祀其先長幼聚飲祝頌而散

謂之分歲見風土記又藏鉤之戲始於漢鉤弋夫

人爆竹始於李畋駢崇又占東北風歲熟又要安

靜則吉祥又以黃紙書天行已過揭門額示行瘟使者俱見占書

禱雨 甲乙日不雨命爲青龍東方小童子舞之丙

丁不雨命爲赤龍南方北者舞之戊巳不雨命爲黃龍中央壯者舞之庚辛不雨命爲白龍西方老人舞之壬癸不雨命爲黑龍北方老人舞之如此不雨潛處闔南門置水其外開北門取人骨埋之如此不雨命巫祝而曝之曝之不雨神山積薪擊鼓而焚之出神農求雨書按山海經應龍處南極殺蚩尤與夸父故旱爲應龍之狀乃大雨御覽注

今之士龍本此又方士養龍見抱朴子咸平中魏羽上雩祀五龍祈雨法見萬花谷管輅檄召五星天符馬上行雨畫龍壇上祈雨俱見類聚合璧董舒春秋繁露禱雨法亦行舞方龍說云春旱求雨令縣邑以水曰今民禱社家人詞曰無斬山林曝巫聚庭以玄酒脯再拜請雨奉牲禱以甲乙日爲大蒼龍一長八丈居中爲小龍七長各四丈於東方嚮其間相去八尺小童八人皆齋三日服青衣而舞之諸里社取五蝦蟇錯里社之中池方八尺深一尺置水蝦蟇焉具酒脯祝齋三日拜跪陳祝如初取三歲雄雞與三歲假猪皆燔之於四通神雩又曰夏求雨令縣邑以水曰家人祀竈無舉土功更水浚井曝釜甌杵臼于衢七日爲四通之壇於邑南門之外方七尺植赤繒七其神蚩尤祭之以赤雄鷄七玄酒清酒祝齋三日服赤衣跪陳祝如春辭以丙丁日爲赤龍一長各七尺齋三日服赤衣而舞之司空嗇夫亦齋三日服赤衣而立之

鑿注而通之閭外之溝取五蝦蟇置社之中池方
七尺深一尺酒脯祝齋衣拜跪陳祝如初取三歲
雄鷄假猪燔之四通神雩開陰陽如春又曰季春
禱山陵以助之令縣邑一徙市於邑南門之外五
日禁男女毋得行入市家人祠中霤毋舉土功聚
巫市旁為四通之壇於中央植黃幡五其神后稷
祭之母肫五玄脯祝齋三日衣黃衣皆如春辭以
戊巳日為大黃龍一長五丈居中央又為小龍長
各三丈五尺上姓五人皆齋二日服黃衣而舞之
老者五人齋三日衣黃衣而立之亦通社中於閭
外之溝蝦蟇池方五
尺深一尺皆如前

生物 子夏問於孔子曰商聞易之生人及萬物鳥

獸昆虫各有奇耦氣分不同而凡人莫知其情惟
達德者能原其本焉天一地二人三三三為九九
九八十一一主日日數十故人十月而生八九七

十二偶以從奇奇主辰辰爲月月主馬故馬十二月而生七九六十三三主斗斗主狗故狗三月而生六九五十四四主時時主豕故豕四月而生五九四十五五爲音音主猿故猿五月而生四九三十六六主律律主鹿故鹿六月而生三九二十七七主星星主虎故虎七月而生二九一十八八主風風主虫故虫八月而生其餘各從其類矣鳥魚生於陰而屬於陽故皆卵生魚遊於水鳥遊於雲故立冬則燕雀入海化爲蛤蠶食而不飲蟬飲而不食蜉蝣不飲不食萬物之所以不同介鱗夏食

而冬蟄齧吞者八竅而卵生齟齬者九竅而胎生

四足者無羽翼戴角者無上齒無角無前齒者膏

屬無角無後齒者脂鮮晝生者類父夜生者似母

是以至陰主牝至陽主牡敢問其然乎孔子曰然

吾昔聞老聃亦如汝之言○子夏曰商聞山書曰

地東西爲緯南北爲經山爲積德川爲積刑高者

爲生下者爲死丘陵爲牡谿谷爲牝蚌蛤龜珠與

月爲盈虛是故堅土之人剛弱土之人柔瘠土之

人大沙土之人細息疏土土之人美耗粗惡土之

人醜食水者善遊而耐寒食土者無心而不息不

息食木者多力而不治淮南子多力而梯戾食艸者善走而

愚食桑者有緒而蛾食肉者勇毅而悍食氣者神

明而壽食穀者知慧而巧不食者不死而神故曰

羽虫三百有六十而鳳爲之長毛虫三百有六十

而麟爲之長云此乾坤之美也

百六陽九 卮言別錄云按洪景廬續筆云以曆志

攷之其名有八初入元百六曰陽九次曰陰七又

有陰七陽七陰五陽五陰三陽三皆謂之災歲大

率經歲四千五百六十而災歲五十七以數計之

每及八十歲則值其一然則陽九即當承百六而

言所謂災歲蓋不止陽九也及攷張世南游宦紀
聞所載王湜太乙肘後備檢則云四百五十六年
爲一陽九二百八十八年爲一百六陽九奇數也
爲陽數之窮百六偶數也爲陰數之窮與景盧所
記不同而甚有理又曰后羿寒浞之亂得陽九之
數七赧王衰微得陽九之數八桓靈卑弱得陽九
之數九煬帝滅亡得陽九之數十周宣王父厲而
子幽得百六之數十二敬王時吳越相殘海內多
事得百六之數十三秦滅六國得百六之數十四
東晉播遷十六國分裂得百六之數極而反於一

五代亂離得百六之數三此所謂應者也舜禹至
治得百六之數七周成康得百六之數十一小甲
雍已得陽九之數五而百六之數九庚乙戊丁得
陽九之數六不降得百六之數八盤庚小辛得百
六之數十漢明章得百六之數十五唐貞觀得百
六之數二此所謂不應者也又有元二之厄或云
即元元也愚意詞人深晦陽九陰九爲元二耳

冰 冰者陰之盛而水之滯者也見五行志積冰曰
凌水壯曰凍水流曰澌水解曰泮冰鼠冰蠶見神
異經木冰謂陰氣脅木先寒得雨而冰亦曰樹介

介兵象也見六帖

樹稼曰

旱 洪範五行傳旱之言悍也陽驕蹇所至也神異經云旱魃一名格長二三尺袒身自在頂上行走如風博物志華山有鳥名肥遺見則大旱山海經蛇名肥遺六足四翼

火 左傳人火曰火天火曰灾國語火無災曰輝又八人爲火見廣記

蝗

一名蝻一名蜉

有翼

左傳作蝻蔡邕云魚子水中

化成食苗心曰螟食葉曰螻食根曰蝻食節曰賊四蝗重皆一種而實不同故分釋之說文吏冥冥

犯法即生螟又應苛尅吏冒取民財則生蠹又應

害忠孝又王者與諸侯則虫食苗節莖

鶴林玉露云蝗繞飛

下即交合數日產子如麥門冬又數日出如小黑
蟻八十一枚即鑽入地中來年禾秀時乃出旋生
翅羽若臘雪凝凍則入地愈深俗云深一
尺則入地一丈東坡雪詩所云是也